



**Broj: 01-298/23**  
**Vareš, 30.11. 2023 godine**

Na osnovu člana 2. Zakona o osnovama bezbjednosti saobraćaja na putevima u Bosni i Hercegovini (Službeni glasnik, broj 6/06, 75/06, 44/07, 84/09, 48/10 i 18/13), člana 12. Odluke o bezbjednosti saobraćaja na cestama broj 01-12/2004 od 05.02. 2004. godine i člana 22. tačka 2. Statuta Općine Vareš-Prečišćeni tekst, broj 01-162/12 od 11.09. 2012. godine, Općinsko vijeće Vareš, na 30. sjednici održanoj 30.11.2023.godine, d o n o s i

**O D L U K U**  
**o utvrđivanju površina za parkiranje motornih vozila**

**Član 1.**

Ovom odlukom na gradskom području općine Vareš utvrđuju se parking mjesta-površine za parkiranje putničkih i teretnih motornih vozila.

**Član 2.**

Na gradskom području općine Vareš, utvrđuju se sljedeće parking površine, uz obilježavanje vertikalnom i horizontalnom signalizacijom:

- a) Putnička motorna vozila uz obilježavanje parking mjesta, kako slijedi:
- 1) Ulica Selište- preko puta stambenih objekata broj 6 i 8,
  - 2) Ulica Selište- preko puta stambenog objekta broj 24,
  - 3) Ulica Selište- ispred zgrade S- 32,
  - 4) Ulica Selište -kod poslovnog objekta „Šimić prom“,
  - 5) Ulica Pruga od zgrade zgrade S III sa desne strane saobraćajnice,
  - 6) Ulica Benići kod pekare MPM-a,
  - 7) Ulica Zvijezda preko puta zgrade S- 30,
  - 8) Ulica Zvijezda kod zgrade Općine,
  - 9) Ulica Zvijezda kod stambenih objekata G-blok i 20-obiteljskih,
  - 10) Ulica Zvijezda ispred zgrade bivše uprave Vranica,
  - 11) Ulica Zvijezda pored zgrade“K-8“ i E-1,
  - 12) Ulica Zvijezda ispred srednje škole „Nordbat-2“,
  - 13) Ulica Put mira –kod zgrade D bloka i D-1 blok,
  - 14) Ulica Put mira- skretanje za Poslovnu jedinicu elektrodistribucija Vareš, sa lijeve strane,
  - 15) Ulica Put mira- prema zgradi Kula-B,
  - 16) Ulica Put mira- ispred objekta "O-7"i "O-8",
  - 17) Ulica Put mira- ispred objekta "Kula C",
  - 18) Ulica Put mira -od zgrade P+4 do objekta „Lecaj“sa lijeve strane saobraćajnice i od skretanja za parking D-blok do mosta sa desne strane saobraćajnice koristeći i dio trotoara,
  - 19) Ulica Put mira –prema JKP sa lijeve strane saobraćajnice,

- 20) Ulica Čaršija- pored Adriatic osiguranja,
  - 21) Ulica Čaršija- kod objekta "Tekija",
  - 22) Ulica Čaršija – ispred OŠ Vareš,
  - 23) Ulica Tirići kod C-blokova,
  - 24) Ulica Tirići-ispred zgrade br. 5 i zgrade br. 11,
  - 25) Ulica Rudarska (iza auto servisa-skretanje za Smreku),
  - 26) Ulica Korovinjići (veliki parking i iza stambenih objekata „K1“ i „K2“),
  - 27) Ulica Korovinjići iza stambenih objekata od "K-4" do "K-8",
  - 28) Ulica Rudarska sa desne strane saobraćajnice od Spomenika prema objektu Alma Ras te prostor ispred i iza zgrade "Kapitalna" ,
  - 29) Ulica Majdanska ispred stambenih objekata "M-6", "M-7", "M-8" i "M-9",
  - 30) Ulica Majdanska ispred stambenog objekta „Zgrada socijalnog stanovanja”,
  - 31) Ulica Majdanska pored zgrade „Parlament“,
  - 32) Ulica Majdanska kod bivše robne kuće i dio platoa autobuske stanice,
  - 33) Ulica Ljevarska ispred zgrada „S-22“, „S-48“ i prekoputa stambenih objekata "M-6", "M-7", "M-8" i "M-9",
  - 34) Ulica Perunska- kod zgrade S-36,
  - 35) Ulica Planinarska preko puta zgrade „Zrak 4. april“,
  - 36) Ulica Čamilov potok na mjestu uklonjenog objekta.
- b) Za vlastita teretna motorna vozila i za teretna motorna vozila vlasnika koji povremeno i u toku dana koriste parking, određuje se prostor s desne strane regionalnog puta R444 kod objekta „kapitalna“, te dio platoa autobuske stanice u Vareš Majdanu.
  - c) Za dostavna vozila određuje se parking prostor se u ulici Benići kod pekare MPM-a
  - d) Za službena vozila institucija, javnih ustanova i javnih preduzeća( Općina Vareš, Srednja škola Nordbat-2, Elektrodistribucija Vareš, Centar za socijalni rad, Dom zdravlja i JKP), parking prostor se određuje ispred tih objekata.
  - e) Parking prostor određuje se u ulici Čaršija-malonogometno igralište, u vremenu održavanja pijace (subotom) od 7 do 17 sati, svakim danom u periodu od 01.05. do 01.11. od 21 sat do 07 sati narednog dana i svakim danom u periodu od 01. 11. do 01.05. od 18 sati do 07 sati narednog dana.
  - f) Za parking prostor, izuzev od 01. 05. do 30. 09. u vremenu od 08:00-23:00 sata, određuje se prostor u ulici Čaršija na prostoru ispred trgovinskih, ugostiteljskih i drugih poslovnih objekata.
  - g) Za taksi stajalište određuje se prostor ispred zgrade S-30. odnosno PIO/MIO-a Vareš(3 mjesta) i prostor u Vareš Majdanu ispred bivše robne kuće (2 mjesta).
  - h) Za autobusko parkiralište određuje se prostor do rijeke Stavnje, prije i poslije skretanja za Profesionalni vatrogasni vod.
  - i) Za zaustavljanje i parkiranje obilježenih vozila, kojima se prevoze invalidna lica, određuju se jedno mjesto ispred zgrade Općine Vareš, jedno mjesto u ulici Čaršija, dva mjesta u ulici Tirići i jedno mjesto ispred Doma zdravlja, a na ostalim parking površinama u gradu po ukazanoj potrebi.
  - j) Za zaustavljanje i parkiranje vozila stranaka Općine Vareš, određuju se jedno mjesto ispred zgrade Općine Vareš

### Član 3.

Satavni dio Odluke je Elaborat obilježavanja parking površina na gradskom području općine Vareš izraden od strane NTSI- INSTITUT d.o.o. Sarajevo, august 2023. godina.

### Član 4.

Zadužuje se Općinski načelnik da u roku od 10 mjeseci, od dana stupanja na snagu ove Odluke, izvrši obilježavanje vertikalnom i horizontalnom signalizacijom određenih površina.

### **Član 5.**

Stupanjem na snagu ove odluke prestaje da važi Odluka o utvrđivanju površina za parkiranje motornih vozila broj: 01-135/01 od 28.02.2001.god. , broj: 01-295/14 od 29.12.2014. godine i 01-204/19 od 31.10. 2019. godine.

### **Član 6.**

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA  
OPĆINSKOG VIJEĆA**

**Mahira Brkić**

Odluka objavljena na oglasnoj tabli Općine Vareš 01.12. 2023. godine.

**OPĆINSKI NAČELNIK**

**Zdravko Marošević**

## O B R A Z L O Ž E N J E

### Odluke o utvrđivanju površina za parkiranje motornih vozila sa Izvještajem o provedenoj javnoj raspravi

Pravni osnov za donošenje ove Odluke sadržan je u članu 2. Zakona o osnovama bezbjednosti saobraćaja na putevima u Bosni i Hercegovini ("Sl. glasnik BiH", broj 6/06, 75/06, 44/07, 84/09, 48/10 i 18/13) kojim je propisano da: „Organi Bosne i Hercegovine, entitetski i kantonalni organi i organi Brčko distrikta Bosne i Hercegovine i organi lokalne samouprave i lokalne uprave u gradovima i općinama ( u daljem tekstu: nadležni organi) osiguraće provođenje ovog Zakona i u okviru svoje nadležnosti donositi propise i donosite druge potrebne mjere za njegovo dosljedno provođenje.“

Pravni osnov je sadržan i u članu 12. Odluke o bezbjednosti saobraćaja na cestama broj: 01-12/2004 od 05.02. 2004. godine kojim je propisano da „Prostor za parkiranje motornih vozila određuje Općinsko vijeće uz prethodno mišljenje policijske uprave Vareš.“

Takođe pravni osnov za donošenje ove Odluke sadržan je u članu 22. tačka 2. Statuta Općine Vareš – Prečišćen tekst, broj: 01-162/12 od 11.09.2012. godine koji kaže da Općinsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Općine Vareš

Odluka o utvrđivanju površina za parkiranje motornih vozila broj: 01-135/01 od 28.08.2001. godine je zadržala stare nazive ulica Vareša, te nije bila usaglašena sa nazivima ulica područja općine Vareš, koji su definisani odlukom o nazivima ulica u naseljenim mjestima gradskog područja općine Vareš, broj: 01-18/02 od 30.01.2002. godine.

Radi velikih problema sa neoptimalnim korištenjem postojećih javnih površina za parkiranje motornih vozila, došlo je do potrebe definisanja parking prostora, kao i da se obilježe parking mjesta. Cilj ove odluke je i da se odrede nove površine radi povećanja broja parking mjesta te zadovoljile potrebe građana Vareša i lica koja dolaze u Vareš.

Općinski načelnik je imenovao komisiju:

1. Musa Ermin- predsjednik komisije
2. Pezo Adaleta- zamjenik predsjednika komisije
3. Mandić Nikola – član komisije
4. Brkić Erma – član komisije
5. Karamustafić Edin – član komisije ispred policijske stanice Vareš
6. Dodik Dario- član komisije ispred Općinskog vijeća Vareš
7. Begović Nurudin - član komisije ispred Općinskog vijeća Vareš

Zadatak komisije je da utvrdi površine za parkiranje motornih vozila na gradskom području, pripremi nacrt Odluke za Općinsko vijeće, da nakon usvajanja iste provede postupak javne rasprave te da primjedbe, sugestija i mišljenja koje se pojave u toku javne rasprave, ako imaju osnova, ugrade u prijedlog odluke. Prijedlog odluke dostaviti Policijskoj stanici Vareš na mišljenje, te nakon toga konačnu verziju dostaviti Općinskom načelniku na daljnje postupanje.

Komisija je razmatrao pristigle prijedloge, primjedbe ili sugestija 14. 02. 2022. godine, zauzela stav o istim te na sastanku koji je održan 25.02. 2022. godine pripremila prijedlog odluke koji je dostavljen Policijskoj stanici Vareš na mišljenje.

Policijska stanica Vareš je dostavila mišljenje 14.03. 2022. godine koje je bila u prilogu Odluke.

#### **Izvještaj o provedenoj javnoj raspravi**

Općinsko vijeće Vareš je na svojoj 10. sjednici održanoj 30.11.2021. godine donijelo Zaključak o prihvatanju Nacrta Odluke o utvrđivanju površina za parkiranje motornih vozila i uputilo ga u javnu raspravu u trajanju od 30 dana.

Provođenje javne rasprave o Nacrtu Odluke o utvrđivanju površina za parkiranje motornih vozila se obavilo u periodu od 06.01. do 05.02. 2022. godine.

Preuzimanje Nacrta Odluke o utvrđivanju površina za parkiranje motornih vozila bilo je moguće je izvršiti u šalter sali Općine Vareš (info pult) kao i na službenoj stranici Općine Vareš. Pozivi za javnu raspravu su upućeni i povjerenicima MZ Vareš i Vareš Majdan.

Glavna javna rasprava je održana dana 01.02.2022. godine (utorak) u Velikoj sali Općine Vareš sa početkom u 13,00 sati uz prisustvo 16 učesnika gdje je sugerisano da se sve iznesene i druge primjedbe, prijedloge i sugestij dostave u pisanoj formi najkasnije do 05.02.2022. godine na protokol Općine Vareš, putem pošte ili na e.mail.

Do 05.02.2022. godine na protokol Općine Vareš, putem pošte ili na e-mail je stiglo 13 dopisa sa prijedlozima, primjedbama ili sugestijama od kojih su većinom prihvaćene a one koje nisu prihvaćene su sljedeće:

Vijećnik Šaban Ibrišimović je dostavio amandman na nacrt odluke te predložio da se u ulici Put mira od P+4 do skretanja za Pijacu u zimskom periodu ograniči period parkiranja u od 16:00 do 7.00 sati , te da se u ulici Čaršija predvidi dva mjesta za parkiranje invalidnih lica. Komisija nije prihvatila prijedlog za Put mira jer se time znatno smanjuje mogućnost parkiranja u užem gradskom jezgru a način čišćenja u zimskom periodu može se rješavati u saradnji sa policijskom stanicom a što je rađeno i u proteklom periodu.

U odluci je predviđeno jedno mjesto za parkiranje invalidnih lica u ulici Čaršija jer je komisija mišljenja da je to dovoljno.

Medžlis Islamske zajednice Vareš je predložio da se izuzme parking u ulici Put mira ispred zgrade Medžlisa Islamske zajednice Vareš.

Komisija je upoznata da je podnesen zahtjev od strane Medžlisa Islamske zajednice Vareš za kupovinu ovoga zemljište te je stav Komisije da ovo ostane kao parking do rješavanja zahtjeva.

Općinsko vijeće Vareš je na svojoj 16. sjednici održanoj 30.05. 2022. godine donijelo Odluku o dodjeli ovoga zemljišta te je u konačnoj verziji izuzeto iz prijedloga.

Takođe je bilo određenih zahtjeva koji nisu predmet Odluke a tiču se rezervacije parking mjesta za određene stanara zgrada i poslovnih prostora te obezbjeđenje prilaza dostavnim vozilima poslovnim prostorima.

Takođe je komisija predložila i nove lokacije u odnosu na nacrt koje su trenutno neuređene i koje bi se mogle uz dodatna finansijska sredstva urediti, a nisu predmet ove Odluke (lokacija na Selištu, lokacija bivšeg dječijeg igrališta u ulici Put mira, iza zgrade P+4, Put mira do kuće Aščerije Hidajeta, ulica Čamilov potok i lokacija na garažama kod C bloka).

Prijedlog Odluke je razmatran na 18. sjednici Općinskog vijeća održana 28.07. 2022. godine uz zaključak da se vraća ovlaštenom predlagачu, odnosno Službi za prostorno uređenje na dopunu.

Vijećnici su na sjednici iznosili dodatne primjedbe i prijedloge a isti to nisu učinili u toku javne rasprave.

Bilo je primjedbi da je nepoznat broj parking mjesta po predloženim lokacijama, nedovoljan broj parking mjesta za invalide...

Da bi se riješile ove dileme pristupilo se izradi Elaborata obilježavanja parking površina na gradskom području je definisan broj parking mjesta po lokacijama, predmjer i predračun radova za obilježavanje parking prostora vertikalnom i horizontalnom signalizacijom te rezervacije za osobe sa invalidetom, službena vozila javnih preduzeća i ustanova te rezervacija za stranke Općine.

Polazna osnova za izradu elaborata je bio Prijedlog Odluka koju je vijeće vratilo na doradu, uz manje dopune.

Povećan je broj mjesta za invalidne osobe sa 3 na 4.

Lokacija za teretna vozila kod centralne radionice je izostavljena zbog izgradnje kružnog toka, dodat je parking prostor u ulici Čamilov potok na lokaciji koja je očišćena te dijelu oko bivše robne kuće i autobuske stanice u Vareš Majdanu. Izostavljena je lokacija iza Bet live kladionice koja prema mišljenju Nosioca izrade elaborata ne zadovoljava uslove zbog postojećih garaža.

Dodata je lokacija kod Adriatic osiguranja, jedna lokacija za teretna vozila kod objekta „kapitalna“ (Eurofarm klinike) kao i lokacija u ulici Korovinjići iza stabenih objekata „K1“ i „K2“

Dodato je jedno parkirno mjesto ispred Općine koje je rezervirano za stranke Općine sa određenim rokom zadržavanja

Ukupan broj prema elaboratu parking mjesta iznosi 495 mjesta ne uključujući parkirna mjesta na dječijem igralištu i ispred ugostiteljskih objekata u ulici Čaršija (38) koji se koriste samo u određenim terminima.

Policajska stanica Vareš je dostavila mišljenje broj: 08-02-12/2-45-1-2403/23 od 13.11. 2022. godine, u kojem je navela da nema primjedbi na Prijedlog Odluke, koje je u prilogu Odluke.

Za provođenje ove Odluke potrebno je planirati sredstva u budžetu za 2024. godinu na stavci: „Učešće u zajedničkim projektima i izrada projektne dokumentacije.“

Predlaže se Općinskom vijeću da usvoji odluku u predloženom obliku.

**PREDLAGAČ**  
**OPĆINSKI NAČELNIK**  
**Zdravko Marošević**